



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Enver Bytyçi	05.12.2023	16.12.2023	2023/0974

BAZA LIGJORE E SHQYRTIMIT

Me datën: 04.12.2023, OE “SELIMAJ Legal Consulting SH.P.K.”- Prishtinë, ka parashtruar ankesë me nr: 2023/0974, kundër njoftimit për dhënie të kontratës ku është rekomanduar për kontratë OE **AVOKAT FLAKA GUTAJ B.T**, lidhur me aktivitetin e prokurimit: “Ofrimi i shërbimeve ligjore për Komunen e Prizrenit” me nr. të prokurimit: "622-23-10590-2-2-1", iniciuar nga Autoriteti Kontraktues (AK) – KUVENDI KOMUNAL I PRIZRENIT.

Autoriteti kontraktues ka zbatuar procedurë të hapur, lloji i kontratës: shërbim, vlera e parashikuar e kontratës: 50,000.00 €.

Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2023/0974 i dt:04.12.2023. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

Vlerësojmë se janë shkelur dispozitat ligjore që rregullojnë:

- Barazinë në trajtimin/jo diskriminimin (neni 7 i LPP lidhur me nenin 58 paragrafin 18 të Rregullores nr.01/2022 për prokurimin publik, me tutje RrPP);
- Dispozitat e përgjithshme mbi përzgjedhjen e pjesëmarrësve dhe dhënien e kontratave (neni 56 i LPP lidhur me nenin 40 paragrafin 12 të RrPP);
- Ekzaminimin, vlerësimin dhe krahasimin e tenderëve (neni 59 i LPP lidhur me nenin 38 paragrafin 1 të RrPP);
- Kriteret për dhënien e kontratës (neni 60 i LPP lidhur me nenin 27 paragrafin 3 të RrPP);
- Gjendjen ekonomike dhe financiare (neni 69 i LPP lidhur me nenin 38 paragrafin 5 të RrPP);
- Aftësinë teknike dhe profesionale (neni 69 i LPP lidhur me nenin 26 paragrafin 3 të RrPP);
- Tenderët jo normalisht të ulët (neni 61 i LPP lidhur me nenin 41 paragrafin 2 dhe 6 të RrPP).

Autoriteti kontraktues (me tutje: AK) me datën 20.11.2023 dorëzon Letrën standarde (B42) për tenderuesin e eliminuar, me arsyetimin se “ju mungojnë:

1. “Tek kontratat e prezantuara në ofertë çmimet e përcaktuara në kontratë janë të hijezuara të markuar me ngjyrë të verdhë dhe nuk mund të shihet vlera e kontratës”; dhe

2. "Lidhur me çmimet e para masave dhe para llogarive të dorëzuara në ofertë, oferta ka *"çmime manipulative"* ku sipas rregullores së Odes së Avokatëve të Kosovës...."

Autoriteti kontraktues, pasi dorëzimit të Kërkesës për rishqyrtim me datën 29.11.2023 nxjerr Vendim refuzues, dhe përveç arsyetimeve të dhëna në njoftimin për eliminimin e tenderuesit, i shton edhe një pretendim se gjoja "çmimi i ofertës tuaj shpallet jo normalisht i ulët..."

Për shkak të pavërtetësisë së fakteve dhe dëshmive të paraqitura në Njoftimin dhe Letrën standarde të tenderuesit të eliminuar OE "SELIMAJ Legal Consulting" SH.P.K, dhe për shkak të Vendimit refuzues të AK kundërshtojmë në tërësi si të pabazuar deklaratat dhe arsyetimet e pretenduara të AK.

Në vijim ju paraqesim në detaje shkeljet e legjislacionit të prokurimit publik, dhe atë:

Neni 7 – Barazia në trajtim/jo-diskriminim

Neni 7 paragrafi 1 i LPP përcakton "Autoriteti kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente".

Autoriteti kontraktues-Kuvendi Komunal i Prizrenit (me tutje: AK) nuk i ka trajtuar barabartë të gjithë operatorët ekonomik me rastin e krahasimit të çmimeve mes operatoreve ekonomik gjatë fazës së vlerësimit të tenderëve, për faktin se:

- Operatori ekonomik i shpallur tenderues i suksesshëm "Avokat Flaka Gutaj" B.I ka ofruar çmim të peshuar prej 371,86 euro, ndërsa Operatori ekonomik "SELIMAJ Legal Consulting" SH.P.K (me tutje: OE) ka ofruar çmimin e peshuar prej 158,35 euro.

Trajtimi i pabarabartë dhe diskriminimi i shpërfaqur i AK është i ndaluar edhe me nenin 58 paragrafin 18 të Rregullores nr.01/2022 për prokurimin publik, që përcakton se "Zbatimi i kriterëve duhet t'i ndjek parimet e përgjithshme të trajtimit veçanërisht të barabartë në nenin 7 të LPP-së dhe në pajtim me rregullat e zakonshme të përzgjedhjes në nenin 56 dhe në nenin 65 – 70 të LPP-së".

Neni 56 – Dispozitat e përgjithshme mbi përzgjedhjen e pjesëmarrësve dhe dhënien e kontratave

AK përmes Letrës standarde për tenderuesin e eliminuar shënon "Lidhur me çmimet e para masave dhe para llogarive të dorëzuara në ofertën tuaj, oferta ka çmime manipulative ku sipas rregullores së ODA E AVOKATEVE TE KOSOVES në bazë të nenit 21.par dhe 41 par.3 piaka 3 e Ligjit nr.04/L – 193 për avokatin...", dhe paraqet tabelën e përshkrimit të çmimeve, pa ndonjë shënim në të.

Dispozitat në të cilat thirret AK kanë të bëjnë me tarifat e avokatëve. Citimi i këtyre dispozitave është në kundërshtim me Njoftimin për kontratë dhe Dosjen e tenderit (FDT), sepse në asnjë rresht në këtë Njoftim apo FDT nuk cekën Tarifat e avokatëve, Rregullorja për tarifat e Avokatëve dhe/apo Ligji për avokatinë. Eliminimi i tenderuesit duke u thirrur në kritere/kërkesa të paqena në Njoftimin për kontratën dhe/apo FDT përveç që përben shkelje ligjore, paraqet edhe tejkalim të kundërligjshëm të kompetencave dhe autorizimeve zyrtare.

Neni 56 paragrafi 3 i LPP përcakton “Tenderuesi, gjatë procedurave të hapura, ose kandidati, gjatë procedurave të kufizuara dhe procedurave të negociuara, pas publikimit të njoftimit të kontratës, nuk do të diskualifikohet ose përjashtohet nga procedurat e tilla në baza të ndonjë kërkesë ose kriteri që nuk është i cekur në njoftimin e kontratës dhe në dosjen e tenderit”.

Një arsyetim i tillë, dhe sidomos shënimi se “...oferta ka çmime manipulative...” është tërësisht i papranueshëm dhe do duhej të bartë pasoja ligjore penale dhe civile për cilindo dhe/apo secilin person zyrtar që ka përpiluar apo lejuar një arsyetim të tillë.

Arsyetimi i AK se OE “SELIMAJ Legal Consulting” SH.P.K ka paraqitë ofertë me çmime manipulative është i qëllimshëm për të na denigruar dhe fyer, dhe duke na paraqitur si shoqëri tregtare që ofron çmime manipulative të na eliminojnë nga gara e mëtejme e këtij procesi të prokurimit publik.

Cilat janë ato çmime manipulative? Perse janë manipulative këto çmime tona? Cili është qëllimi për të shënuar një fjalë të tillë? A ekziston një çmim që për AK është manipulativ?

Një arsyetim i tillë është edhe në kundërshtim me nenin 40 paragrafin 12 të Rregullores nr.01/2022 për prokurimin publik që përcakton se “Tenderuesi nuk do të diskualifikohet ose përjashtohet nga procedura e prokurimit në bazë të ndonjë kërkesë apo kriteri që nuk është specifikuar në njoftimin e kontratës/dosjen e tenderit”.

Neni 59 – Ekzaminimi, vlerësimi dhe krahasimi i tenderëve

AK pretendon se “tek kontratat e prezantuara në ofertën tuaj Çmimet e përcaktuara në kontratë janë të hijezuara të markuar me ngjyrë të verdhë dhe nuk mund të shihet vlera e kontratës”.

Me mos paraqitjen e Kërkesës për sqarime shtesë në lidhje me çmimet e hijezuara AK ka shkelur nenin 59 paragrafin 2 të LPP i cili përcakton se “Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkohej ose pranohet nga autoriteti kontraktues ose të ofrohet nga një tenderues”.

Edhe pse me çmimin me te ulët, si kriteri i vetëm për shpërblim me tender, AK qëllimisht nuk kërkon sqarime shtesë, konkretisht për çmimet e hijezuara, me interesin për ta na eliminuar nga procesi i tenderimit, edhe pse me ofertën me çmimin me te ulët për kryerjen e shërbimeve.

Me këto veprime AK kryen shkeljen e nenit 38 paragrafin 1 të Rregullores nr.01/2022 për prokurimin publik që përcakton se “Për të lehtësuar ekzaminimin, vlerësimin dhe krahasimin e tenderëve, AK mund të kërkojë nga secili tenderues individualisht për sqarim të tenderit të tij/saj. KRPP ka aprovuar një formular standard B47 për sqarime për të përdorur nga AK “Kërkesë për sqarim të tenderit”. Kërkesa për sqarim dhe përgjigja duhet të bëhet përmes platformës elektronike”

Neni 60 – Kriteret për dhënien e kontratës

Sipas Njoftimit për kontratë, nenit IV.2) dhe në Dosjen e tenderit (FDT) në nenin 30 paragrafin 1 kriter për dhënien e kontratës është “Çmimi me i ulët”.

AK në kundërshtim me vet kriteret dhe kushtet e vendosura për dhënien e kontratës shpall tenderues të suksesshëm tenderuesin me çmimin me te ultë sesa oferta e paraqitura nga “SELIMAJ Legal Consulting” SH.P.K.

Neni 60 paragrafi 1 pika 1 i LPP përcakton “Autoriteti kontraktues do t’ia jap kontratën publike operatorit ekonomik që ka dorëzuar tenderin e përgjegjshëm me çmimin më të ulët”

Për këtë veprim të kundërligjshëm AK është e vetëdijshme, madje në paragrafin 3 të Letrës standarde për tenderuesin e suksesshëm fare nuk shënojnë nëse tenderuesi i suksesshëm ka dorëzuar tenderin ekonomikisht me të favorshëm apo tenderin me çmimin me te ulët. Me mos dhënien e kontratës “SELIMAJ Legal Consulting” SH.P.K si ofertuesi me çmimin me te ulët nga konkurrentet tjerë, AK ka shkelur edhe nenin 27 paragrafin 3 të Rregullores nr.01/2022 për prokurimin publik që shënon “Nëse kriteri “tenderi i përgjegjshëm me çmimin më të ulët” është kriteri i vetëm, kontrata do të jepet për tenderin me çmim më të ultë që përmbushë kërkesat e specifikuara”

Neni 68 – Gjendja ekonomike dhe financiare

Sipas nenit III.2.3) të Njoftimit për kontratë dhe nenit 8 paragrafi 1 dhe 2 të Dosjes së Tenderit (FDT) “Operatori ekonomik duhet të ofroj dëshmi të kënaqshme Autoritetit Kontraktues se qarkullimi i OE gjatë tri viteve të shkuara (2020, 2021, 2022) ka qene prej jo me pak se 50,000.00 €”.

AK gjatë vlerësimit të tenderëve, me saktësisht vlerësimit të tenderuesit të suksesshëm nuk i është përmbajtur kriterëve/kërkesave të cilat vet i ka caktuar.

Tenderuesi i suksesshëm ka ofruar transaksionet bankare të klientëve të vet, e të cilat këto transaksione nuk mund të konsiderohen qarkullim financiar. Këto shifra/shuma të hollave janë të klientëve, dhe nuk është qarkullim i OE/tenderuesit të suksesshëm.

Për më shumë, edhe pse kërkesë/kritere të caktuara kanë qenë “pasqyrat e qarkullimit financiar...” apo “deklaratat e tatimeve vjetore të dorëzuara në Administratën Tatimore të Kosovës”, AK në kundërshtim me kriteret e veta të vendosura nuk e ka vlerësuar të arsyeshme të kërkojë këto dëshmi nga tenderuesi tani i suksesshëm, përkundër se me datën 01.11.2023 përmes Letrës standarde të kërkesës për sqarimin e tenderit ka kërkuar dëshmi tjera.

Neni 38 paragrafi 5 i Rregullores nr.01/2022 për prokurimin publik shënon “Autoriteti kontraktues mund të ftojë Operatorët ekonomik për të plotësuar apo të qartësojnë certifikatat dhe dokumentet e paraqitura në pajtim me nenet 65-71 të LPP-se d.m.th dëshmitë të dorëzuara për kërkesat e përshtatshmërisë, kërkesat e përshtatshmërisë profesionale, gjendjes ekonomike dhe financiare dhe aftësisë teknike dhe profesionale, certifikatat e kualitetit, kërkesat e grupeve të OE”.

“Marrëveshja për pranimin e punëve të kryera në bazë të kontratës së datës 03.03.2022 për kryerjen e shërbimeve juridike për zyrën e AV.B....K... me seli në Prizren” për AK do duhej të ishte e papranueshme, marrë parasysh se avokati lidh marrëveshje me avokatin tjetër për kryerjen e shërbimeve juridike, dhe për më shumë (në bazë të mediave të hapura sociale) të njëjtat dalin të jenë në marrëdhënie familjare-bashkëshortë.

Madje, edhe kjo kontratë kështu me shumën e shënuar prej 35,309.00 euro, përsëri kriteri i përcaktuar me Njoftimin për kontratë dhe FDT për qarkullimin financiar prej jo më pak se 50,000.00 euro nuk do të arrihej.

Përveç, kësaj në bazë të qasjes në dokumentacione, del se tenderuesi i suksesshëm nuk posedon dhe/apo nuk i ka dorëzuar Pasqyrat e qarkullimit financiar apo Deklaratat e tatimeve vjetore të dorëzuara në ATK me Ofertën për tenderim.

Mungesa e këtyre “dëshmimeve të kërkuara dokumentare” (neni III.2.3 i Njoftimit për kontratë) nga tenderuesi i shpallur i suksesshëm nga AK tregon për shkeljen e nenit 68 paragrafin 1 të LPP që përcakton se “Autoriteti kontraktues mund të kërkojë nga operatorët ekonomik që të parashtrojnë të dhëna për të treguar se ata i përmbushin kushtet minimale ekonomike dhe financiare të specifikuara në dosjen e tenderit dhe në njoftimin e kontratës”.

Për më tepër, këto kërkesa kanë qenë të specifikuara edhe në Njoftimin për kontratë dhe FDT, ashtu siç shënon në nenin 65 paragrafin 3 të LPP se “Autoriteti kontraktues do të specifikojë, në njoftimin e kontratës ose në ftesën për tender ose pjesëmarrje, se cilat nga referencat e sipërpërmendura në paragrafin 1 të këtij neni, dhe/ose referencat e tjera kërkohen prej tij”.

Andaj, mungesa e Pasqyrave të qarkullimit financiar dhe/apo Deklaratat e tatimeve vjetore të dorëzuara në ATK tregojnë për mungesën e kapaciteteve ekonomike dhe financiare të tenderuesit të suksesshëm.

Neni 69 – Aftësia teknike dhe/ose profesionale

AK ka dështuar të siguron edhe referencat e kërkuara me nenin III.2.4) të Njoftimit për kontratë dhe nenit 9 paragrafi 1 dhe 2 të FDT.

Tenderuesi i suksesshëm – Avokat Flaka Gutaj B.I përveç një “kontrate për kryerjen e shërbimeve juridike” me një avokat tjetër B... K..., ka dështuar të siguron të paktën një Referencë me të cilën do të përmbushte kërkesën/kriterin e kapacitetit teknik dhe profesional të përcaktuar nga AK.

Derisa Kërkesa 1. e nenit III.2.4) është në shumës “Projektet të ngjashme...” dhe dëshmia e kërkuar dokumentare përsëri në shumës “Lista e projekteve të ngjashme...me referenca të cilat dëshmojnë ...”, AK në kundërshtim me nenin 69 paragrafin 4 piken 2 të LPP shpall tenderues të suksesshëm operatorin ekonomik që ka vetëm një “kontratë” të bashkangjitur ofertës, dhe nuk posedon asnjë Letër reference.

Neni 26 paragrafi 3 i Rregullores nr.01/2022 për prokurimin publik përcakton se “Nëse autoriteti kontraktues kërkon referenca për realizim të kënaqshëm të kontratave duke specifikuar minimumin e numrit të referencave në Dosjen e tenderit dhe në Njoftimin për Kontratë, referencat duhet të jenë për kontratat e specifikuara në Listën e Kontratave dhe duhet të sillen nga anëtarë i grupit nëse i njëjti ka qenë ekzekutues i kontratave përkatëse, në mënyrë që të konsiderohet se kërkesa është përmbushë nga grupi si tërësi”.

Përkundër se Referencat kanë qenë kriter për tenderim, megjithatë AK shpall tenderues të suksesshëm një Operator ekonomik pa asnjë Letër reference.

Neni 61 - Çmimi jo normalisht i ulet

Kjo pikë është shtuar nga AK ne Vendimin refuzues te datës 28.11.2023, dhe ne jemi obliguar te kundërshtojmë këto pretendime te paarsyetuara te AK.

Tërësisht te papranueshme janë kalkulimet që i bëhen çmimit te ofertës me te ulet te tenderit. Përkundrazi, sipas kriterëve te tenderit kusht ka qenë çmimi me i ulet i peshuar ne përqindje.

Përkundër te gjithave, ka qenë detyrim ligjor i AK te kërkoj sqarime dhe shpjegime ne lidhje me bazën e tenderit nga tenderuesi me çmimin me te ulet apo sic po pretendon kundërligjshëm AK “çmimin jo normalisht te ulet”.

Detyrimi i tillë ligjor është i përcaktuar me nenin 61 paragrafin 1 te LPP “Nëse një operator ekonomik e dorëzon një tender që, është ose duket të jetë jo-normalisht i ulët, autoriteti kontraktues do të dërgojë një kërkesë me shkrim tenderuesit ku kërkohet nga tenderuesi që të dorëzojë me shkrim: (i) një ndarje të elementeve përbërëse të tenderit dhe (ii) shpjegime në lidhje me bazën e tenderit, sipas paragrafin 2. të këtij neni”.

Pretendimi i AK se “... ne nuk e kemi zhvilluar komunikimin me ju siç e parasheh LPP (INTER PARTES) POR VETTM IU KEMI BERË ME DIJE SE ÇMIMI JUAJ E PLOTËSON EDHE KUSHTIN TË SHPALLET CMIM JONORMALISHT I ULTË” është i pasaktë, sepse ne Njoftimin për eliminimin nga procesi i tenderimit arsyetimi i vetëm ka qenë se gjoja “...tek kontratat e prezantuara ne ofertën tuja Çmimet e përcaktuara ne kontrate janë te hijezuara te markuara me ngjyre te verdhe dhe nuk mund te shihet vlere e kontratës”.

Megjithatë, edhe po te ishte “i saktë” ky pretendim i AK, përsëri te njëjtit kanë qenë te detyruar te komunikojnë *inter partes* me tenderuesi me çmimin me te ulet. Ky obligim është i përcaktuar edhe me nenin 41 paragrafin 2 te Rregullores nr.01/2022 për prokurimin publik “Në çdo rast, kur ka një prag për tender jo-normalisht të ulët, ndalohet përjashtimi automatik i ofertave jo-normalisht të ulëta pa përdorur një procedurë *inter partes* me operatorin përkatës ekonomik për shqyrtimin e tenderit i cili konsiderohet nga autoriteti kontraktues si jo-normalisht i ulët”

Për me shumë, neni 41 paragrafi 6 i kësaj Rregulloreje përsëri detyron AK qe “Në rast se një tender (apo një pozicion i tenderit ku aplikohet çmimi i peshuar për njësi) duket të jetë jo normalisht i ulët, Autoriteti Kontraktues duhet të kërkoj me shkrim nga operatori ekonomik i cili ka dorëzuar tenderin ose pozicionin e tenderit që duket të jetë jo-normalisht i ultë sipas paragrafit 41.3 ose 41.4 të kësaj rregullore, një deklaratë me shkrim e cila përfshinë një zbërthim të detajuar të pjesëve relevant të tenderit dhe e cila përfshin një shpjegim për çmimin e ultë duke përdorur formularin standard të miratuar nga KRPP-ja “Shkresa standarde për tenderët jo normalisht të ulët”.

Andaj, OSHP i propozojmë që pas shqyrtimit të pretendimeve tona të prezantuar në këtë Ankesë, të merr:

VENDIM

1. **APROVOHET** si e bazuar Ankesa e OE “SELIMAJ Legal Consulting” SH.P.K;
2. **ANULOHET** Njoftimi mbi Vendimin e AK i datës 20.11.2023; dhe
3. **DETYROHET** Autoriteti kontraktues dhënien e Kontratës ofertuesit me Çmimin me të ulet OE “SELIMAJ Legal Consulting” SH.P.K.

KRITERET PËR VLERËSIM

Kërkesa që ka të bëjë me arsyen e eliminimit të OE.

Kërkesat mbi mundësitë teknike dhe/ose profesionale	9.1 & 9.2	<p>Kapaciteti teknik dhe profesional:</p> <p>Kërkesa 1 Projektet të ngjashme të natyrës së kontratës realizuara në tri vitet e shkuara (duke filluar nga koha e publikimit të këtij njoftimi) e vërtetuar nga OE, ku përfshihen titujt e projekteve, numri, data e kontraktimit dhe vlerat e tyre. Vlera minimale e të gjitha projekteve të natyrës së kontratës (shërbime) duhet të jetë jo më e vogël se 30.000,00 €. Kërkesa 2 Në kuadër të stafit profesional OE duhet të ketë në përbërje të stafit së paku edhe Një (1) jurist të diplomuar i cili duhet të ketë ë dhënë provimin e <u>jurispodencës</u>. Dhe për shkak të natyrës së lëndëve të cilat janë shumica e natyrës civile Një (1) jurist të diplomuar i cili duhet të ketë ë dhënë provimin e <u>jurispodencës</u> dhe me gradë shkencore <u>Doktor</u> i shkencave civile.</p>	<p><i>Dëshmia e kërkuar dokumentare</i></p> <p>Dëshmia 1 Lista e projekteve të ngjashme të vërtetuar për tri vitet e fundit nga OE- (e skanuar nga origjinali) për dosjen elektronike, të dëshmuara me referenca të cilat dëshmojnë vlerën e shërbimeve dhe natyrën e tyre apo proces verbal të pranimi përfundimtar të shërbimeve. Dëshmia 2 <u>Certifikatat</u> përkatëse mbi kualifikimin e kërkuar. origjinale ose të <u>noterizuara</u> në praninë e të punësuarit, kontratat e punës ose të bashkëpunimit me OE për projektin në fjalë.</p>
---	-----------	---	---

RAPORTI I KOMISIONI VLERËSUES

Raporti i komisionit Vlerësues - pjesë të raportit që kanë të bëjnë me eliminimin e OE ankues.

Raporti i ekspertit shqyrtues, lidhur me ankesën e parashtruar nga OE “SELIMAJ Legal Consulting SH.P.K.”, lidhur me aktivitetin e prokurimit “Ofrimi i shërbimeve ligjore për Komunën e Prizrenit” me numër të prokurimit: “622-23-10590-2-2-1, të iniciuar nga Autoriteti Kontraktues (AK) – KUVENDI KOMUNAL I PRIZRENIT

LISTA E PLOTË STANDARDE PËR PËRSHTATSHMËRINË E AFTËSIVE PROFESIONALE TË TENDERËVE

Dokumenti	AVOKAT FLAKA GUTAJ B.I. - Ofrimi i shërbimeve ligjore për Komunën e Prizrenit	SELIMAJ Legal Consulting SH.P.K.	Zyra e Avokatisë Blerim Mazreku SH.P.K.
Kërkesa 1 Projektet te ngjashme te natyrës së kontratës realizuara ne tri vitet e shkuara (duke filluar nga koha e publikimit te këtij njoftimi) e vërtetuar nga OE, ku përfshihen titujt e projekteve, numri, data e kontraktimit dhe vlerat e tyre. Vlera minimale e te gjitha projekteve të natyrës se kontratës (shërbime) duhet të jetë jo ma e vogël se 30.000,00 €. Kërkesa 2 Në kuadër të stafit profesional OE duhet të ketë në përbërje të stafit së paku edhe Një (1) jurist të diplomuar i cili duhet të ketë ë dhënë provimin e jurisprudencës. Dhe për shkak të natyrës së lëndëve të cilat janë shumica e natyrës civile Një (1) jurist të diplomuar i cili duhet të ketë ë dhënë provimin e jurisprudencës dhe me gradë shkencore Doktor i shkencave civile.	Në pajtim / Nuk është në pajtim	Në pajtim / Nuk është në pajtim	Në pajtim / Nuk është në pajtim
	Në pajtim	I papajtueshëm	Në pajtim

Ekzaminimi, vlerësimi dhe krahasimi i tenderëve lidhur me aftësinë teknike dhe / ose profesionale:

1.SELIMAJ Legal Consulting SH.P.K.Kërkesa 1 Projektet te ngjashme te natyrës së kontratës realizuara ne tri vitet e shkuara (duke filluar nga koha e publikimit te këtij njoftimi) e vërtetuar nga OE, ku përfshihen titujt e projekteve, numri, data e kontraktimit dhe vlerat e tyre. Vlera minimale e te gjitha projekteve të natyrës se kontratës (shërbime) duhet të jetë jo ma e vogël se 30.000,00 €. Kërkesa 1 Projektet te ngjashme te natyrës së kontratës realizuara ne tri vitet e shkuara (duke filluar nga koha e publikimit te këtij njoftimi) e vërtetuar nga OE, ku përfshihen titujt e projekteve, numri, data e kontraktimit dhe vlerat e tyre. Vlera minimale e te gjitha projekteve të natyrës se kontratës (shërbime) duhet të jetë jo ma e vogël se 30.000,00 €.

Dëshmia 1 Lista e projekteve te ngjashme e vërtetuar për tri vitet e fundit nga OE- (e skanuar nga origjinali) për dosjen elektronike, të dëshmuara me referenca të cilat dëshmojnë vlerën e shërbimeve dhe natyrën e tyre apo proces verbal te pranimit përfundimtar të shërbimeve.

Verejtje; tek kontratat e prezantuar ne oferten tuja Cmimet e percaktuara ne kontrate jane te hijezuara te markuara me ngjyre te verdhe dhe nuk mund te shihet vlera e kontrates.

Analiza e çmimit

	TENDERUESI	Informata në lidhje me gabimet ne llogaritje	Arsyet për refuzimin e tenderit për shkak të çmimit anormalisht të ulët
1.	SELIMAJ Legal Consulting SH.P.K. 810075491		2. Lidhur me cmimet e paramasave dhe parallogarive te dorezuar ne oferten tuaj , oferta ka cmime manipulative ku sipas rregullores se ODA E AVOKATEVE TE KOSOVES ne baze te nenit 21.par dhe 41 par.3 piaka 3 e ligjit nr .04 /L -193 per avokatin “Gazeta zyrtare e Rapublikes se Kosoves” r 20 te dt 31 maj 2013. Sa I perket tarifave te vendosura psh; Perpilimi I parashtrësare ne proceduren civile dhe procedura tjera Kontest i vleres se vogel
2.	AVOKAT FLAKA GUTAJ B.I. 810192295		
3.	Zyra e Avokatisë Blerim Mazreku SH.P.K. 811398769		

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

VLERËSIMI SIPAS NENIT 4.1.26 TË LPP

OE ankues është pale e interesit sipas nenit 4.1.26 të LPP-se.

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - **SELIMAJ Legal Consulting SH.P.K.**

Sqarim Hyrës:

Autoriteti Kontraktues KUVENDI KOMUNAL I PRIZRENIT ka udhëhequr aktivitetin e Prokurimit “Ofrimi i shërbimeve ligjore për Komunën e Prizrenit” me nr. të prokurimit: “622-23-10590-2-2-1”.

Me datë 02.10.2023 është publikuar njoftimi për kontratë;

Me datë 23.10.2023 afati për dorëzimin e ofertave;

Me datë 20.11.2023 është publikuar njoftimi mbi vendimin e AK-së- B58;

Me datë 24.11.2023 OE ankues ka paraqitur kërkesën për rishqyrtim;

Me datë 29.11.2023 AK ka nxjerrë vendimin mbi refuzimin e kërkesës për rishqyrtim të OE;

Me datë 04.12.2023 OE ka paraqitur ankesë pranë OSHP me pretendimet ankimore;

Me datë 05.12.2023 OSHP ka autorizuar ekspertin shqyrtues për vlerësimin dhe shqyrtimin e ankesës së OE ankues.

Eksperti shqyrtues sipas autorizimit të datës 05.12.2023 në pajtim me LPP, ka shqyrtuar lëndën dhe pretendimet ankimore të OE ankues.

Pretendimi ankimor 1

OE ankues në pretendimin ankimor 1 ka mospajtime me AK në lidhje me eliminimin të cilin e ka bërë AK duke konsideruar që OE ankues ka ofruar çmime manipulative në ofertën e tij.

Eksperti shqyrtues ka verifikuar dokumentet e ofruara dhe ofertën financiare të OE ankues –paramasën dhe parallogarinë. Gjatë analizës së çmimeve të ofruara në paramasën dhe parallogarinë eksperti konsideron që OE ankues gjatë plotësimit të paramasës së ofertës ka bërë gabime në plotësimin e saj

dhe këtë fakt AK nuk e ka konsideruar fare. Eksperti thekson se çmimet e dhëna në kolonën e çmimit për njësi të pa peshuar janë thujse çmime të ngjashme me ofertat tjera dhe nuk mund të konsiderohen çmime jonormalisht të ulëta ose manipulative siç i ka quajtur AK.

Këtu kemi të bëjmë me gabime teknike në rekapitullimin e çmimeve sipas përshkrimit të mëposhtëm, e të cilat AK nuk i ka konsideruar fare.

OE ka gabuar në plotësimin e paramasës, nuk e ka plotësuar paramasen dhe parallogarinë sipas kërkesës së AK-së, duke vendosur çmim tek pozicioni 3, ndërsa në nënpozicionin 3.1 nuk ka vendosur çmim fare, ku edhe tek totali i pozicionit 3 nuk ka paraqitur vlerë fare.

OE ankues në Tabelën e Rekapitullimi tek kolona “Çmimi i pa peshuar” i ka vendosur totalët e çmimeve te poentuara brenda pozicionit, ndërsa në kolonë është dashtë të vendosen totalët e pozicioneve të çmimeve të pa peshuara, këtë gabim AK nuk e ka potencuar fare.

Po ashtu OE nuk i ka mbledhur totalët e nënpozicioneve të çmimeve njësi vlera të cilat duhet të merren tek formula e poentimit (më poshtë në paramasë janë të hijezuara me të kuqe dhe me të verdhë gabimet teknike).

Në këtë rast Autoriteti kontraktues është dashtë që gjatë fazës së vlerësimit të ofertave, në bazë të çmimeve njësi të ofruara nga OE të përmirësoj gabimet në formulën e poentimit në përqindje të peshimit sipas përshkrimit të dhënë në ofertën financiare. Totali i çmimeve të poentuara pas përmirësimit pastaj duhet të merren vetëm për çështjet në procesin e vlerësimit financiar të ofertave.

Autoriteti kontraktues nuk ka pasur nevojë të trajtoj si oferte me çmime jo normalisht të ulëta.

Dëshmi në lidhje me gabimet është paramasa e ofruar nga OE (me ngjyre të kuqe mungojnë vlerat, me ngjyre të verdhe janë marrur vlerat gabime për poentim).

Paramasa					
Nr.	Pershkrimi	Sasia	Perqindja e peshimit brenda pozicionit	Çmimi per njësi me TVSH	Poentimi brenda pozicionit
1	Perpillimi i parashtrësve ne proceduren civile dhe procedurat tjera	30%			
1.1	Kontest i vleres se vogel	1	5%	47.2	2.36
1.2	Kontest me vlere mbi kontestin e vleres se vogel e deri ne 10,000 euro	1	15%	118	17.7
1.3	Kontest me vlere prej 10,000 euro e me larte	1	30%	177	53.1
1.4	Kontesti me vlere prej 100,000 euro e me larte	1	50%	194.7	97.35
Çmimi total i pozicionit 1					170.51
2	Perfaqesimi ne seancat per qeshtje civile dhe te tjera	1	55%		
2.1	Perfaqesimi ne konteste te vleres se vogel	1	5%	60.18	3.009
2.2	perfaqesimi ne konteste qe vlere e kontestit mbi vleren e kontestit te vogel e deri ne 10,100 euro	1	15%	82.6	12.39
2.3	Perfaqesimi ne kontestet me vlere mbi 10,000 euro e me larte	1	30%	165.2	49.56
2.4	Perfaqesimi ne kontestet me vlere mbi 100,000 euro e me larte	1	50%	250.16	125.08
Çmimi total i pozicionit 2					190.039
3	Mjetet juridike ne qeshtjet civile	1	15%	118	17.7
3.1	Mjetet	1	15%		
Çmimi total i pozicionit 3					

RIKAPITULLIMI				
Tabelat	Pesha në bazë të rëndësisë	Çmimi i pa Peshuar	Çmimi i Peshuar në përqindje	
1	Pozicioni 1	30%	170.51	51.16 €
2	Pozicioni 2	55%	190.04	104.53 €
3	Pozicioni 3	15%	17.70	2.66 €
Totali		100%	378.25	158.35 €

Përgjigje e ekspertit shqyrtues në pretendimin ankimor 1

Eksperti shqyrtues në bazë të fakteve konsideron se çmimet e ofruara janë pothuaj të ngjashme me ofertat tjera, por OE ankues ka gabuar gjatë plotësimit të ofertës pasi që nuk e ka plotësuar paramasën sipas kërkesës së AK përkatësisht nuk ka dhënë çmim ne pos 3.1 dhe si pasojë e kësaj, për shkak të gabimeve në plotësimin e paramasës dhe parallogarisë së ofertës pretendimi është i pabazuar dhe oferta në këtë rast nuk mund të trajtohet e përgjegjshme.

Pretendimi ankimor 2

OE ankues ka mospajtime me faktin se AK e ka refuzuar ofertën e tij për shkak të listës së projekteve dhe kontratave ku ndër të tjera thuhet se OE në përshkrimin e listës dhe të kontratave pjesën e çmimeve e ka hijezuar duke e mbuluar vlerën financiare të kontratave të realizuara.

Eksperti shqyrtues pas shqyrtimit të dokumenteve konsideron se OE në dokumentet e ka ofruar listën e

kontratave por nuk i ka specifikuar çmimet e kontratave, po ashtu OE ka ofruar kontratat por ne pjesën e vlerës financiare i ka hijezuar duke i mbuluar vlerën financiare gjë që e ka bërë të pamundur vlerësimin e vlerës së kërkuar nga AK në nenin 9.1&9.2 **Kërkesa 1 Projektet te ngjashme te natyrës së kontratës realizuara ne tri vitet e shkuara (duke filluar nga koha e publikimit te këtij njoftimi) e vërtetuar nga OE, ku përfshihen titujt e projekteve, numri, data e kontraktimit dhe vlerat e tyre. Vlera minimale e te gjitha projekteve të natyrës se kontratës (shërbime) duhet të jetë jo ma e vogël se 30.000,00 €.**

Eksperti konsideron se OE ankues në listen e ofruar të kontratave asnjërin kontratë nuk e ka të përfunduar dhe të gjitha janë në vazhdim. Në lidhje me këtë rast eksperti konstaton se në funksion të respektimit të LPP neni 69 pragrafi 4.2 se nëse AK kërkon dëshimnë e kontratave/ projekteve të ngjashme të realizuara në tri vitet e fundit sipas kërkesës 1 të sipërcekur do të thotë që kontratat e kërkuara nga AK duhet të jenë të **realizuara dhe jo në realizim e sipër _vazhdim, pra të përfunduara** brenda tri viteve të shkuara nga koha e publikimit të njoftimit për kontratë. Pra për bazë duhet të merret periudha e përfundimit e jo e fillimit të kontratës.

Si pasoje se asnjëra nga kontratat nuk është e përfunduar AK nuk ka pasur nevojë të kërkoj sqarime shtesë, por është dashtë të potencoj edhe faktin se përveç hijezimit të çmimit edhe faktin se kontratat janë në realizim e sipër që bie në kundërshtim me LPP.

Përgjigje e ekspertit në pretendimin 2

Eksperti konsideron se pretendimi 2 është i pabazuar.

Pretendimi Ankimor 3

Operatori ekonomik pretendon se AK ka shpërblyer operatorin ekonomik me çmimin më të lartë se sa oferta me çmimin më të ulët e cila sipas OE ankues është oferta e tij.

Eksperti pasi ka analizuar përshkrimin e çmimeve konsideron se oferta e operatorit ankues ne baze te çmimeve njësi është më e lartë se sa oferta e shpërblyer për kontratë.

Meqenëse OE ankues nuk e ka plotësuar paramasën dhe parallogarinë sipas kërkesës në dosje të tenderit dhe gabimeve të cilat janë llogaritur në poentim tek tabela kjo oferta e OE ankues ka dalë më e lirë dhe konsideroj se për shkak të gabimeve në paramasë oferta e OE ankues nuk është e përgjegjshme.

Përgjigje në pretendimin ankimor 3

Eksperti shqyrtues konsideron se pretendimi ankimor 3 është i pabazuar.

Pretendimi ankimor 4

OE ankues pretendon se sipas nenit 68 gjendja ekonomike financiare sipas dosjes se tenderit është kërkuar që **Operatori ekonomik duhet të ofroj dëshmi të kënaqshme Autoriteti Kontraktues se qarkullimi i OE gjatë tri viteve të shkuara(2020,2021,2022) ka qenë prej jo më pakë se 50,000.00€** . ndërsa OE i suksesshëm nuk e ka plotësuar kërkesën në fjalë duke ofruar transaksione bankare të klientëve të vetë e të cilat nuk mund të quhen qarkullim financiar sipas OE ankues.

OE po ashtu konteston edhe kontratat e lidhura mes palëve kontraktuese për të cilët konstaton se kanë lidhje familjare – bashkëshortë.

Eksperti shqyrtues në bazë të fakteve të paraqitura ne ofertën e OE fitues, konsideron se dokumenti i qarkullimit financiar i lëshuar nga banka TEB, i plotëson kërkesën e dosjes së tenderit pasi që paraqet vlerat financiare të kërkuara ne FDT.

Sa i përket kontestimit të kontratave nga OE ankues, eksperti konsideron se kontratat ne fjale janë valide.

Përgjigje në pretendimin 4

Eksperti konsideron se pretendimi 4 i OE ankues është i pabazuar.

Pretendimi ankimor 5

OE ankues sipas nenit 69 Aftësia teknike dhe profesionale konsideron se AK ka dështuar të siguron referencat e kërkuara me nenin III.2.4) të njoftimit për kontratë dhe nenit 9 paragrafi 1 dhe 2 te FDT.

Eksperti shqyrtues ka shqyrtuar dokumentet e ofruara dhe konsideron se tenderuesi i suksesshëm nuk ka ofruar listën e projekteve të ngjashme të realizuara për tri vitet e fundit sipas kërkesës së dosjes së tenderit dhe nuk ka ofruar referencat të cilat dëshmojnë vlerën e shërbimeve sipas kërkesës së FDT-së.

AK në funksion të plotë të LPP dhe legjislacionit sekondar, sipas Udhëzuesit Nr.001/2023 për prokurim publik, konform nenit 10 - Sqarimi i tenderëve gjatë procesit të vlerësimit të tenderëve, rasti kur mungon lista e kontratave apo referencat, AK duhet të kërkoj informata sqaruese sipas nenit 69 të LPP.

Përgjigje në pretendimin 5

Eksperti shqyrtues konsideron se pretendimi ankimor 5 është i bazuar dhe se AK duhet të kërkojë informata sqaruese.

Pretendimi ankimor 6

OE ankues e kundërshton përgjigjen e dhënë nga AK në kërkesën për rishqyrtim të OE ankues ku jep sqarime në lidhje me procedurën për çmimin jo normalisht të ulët.

Eksperti shqyrtues pas analizës së çmimeve të OE ankues konsideron se çmimet e dhëna në ofertën e OE ankues janë më të larta se OE tjerë pjesëmarrës në procedurë, mirëpo për shkak të gabimeve në plotësimin e paramasës dhe parallogarisë të cilat janë sqaruar në pretendimin ankimor 1, OE ankues ka dalë me çmim më të lirë sepse çmimet i ka peshuar dy herë (një herë ne peshimin sipas poentimit brenda pozicionit dhe herën e dyte ne peshimin sipas totalit te çmimeve te peshuara tek tabela e Rekapitullimit.

Sqarimi detal është dhënë ne pretendimin ankimor 1.

Për shkak të gabimeve të bëra në plotësimin e paramasës nga OE ankues, AK nuk ka pasur nevojë të zhvilloj procedurën për çmimin jo normalisht të ulët.

Përgjigje në pretendimin Ankimor 6

Eksperti shqyrtues konsideron se pretendimi ankimor 6 është i pabazuar.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si pjesërisht e bazuar, të anulohet njoftimi për dhënie të kontratës dhe

rekomandon që lënda të kthehet në rivlerësim.

Gjate rivlersimit te kerkohen informatat sqaruese ne lidhje me listen e kontratave dhe referencave.

Ju njoftoj qe lidhur me lenden ne fjale eshte e parashtruar edhe nje ankese e cila do te shqyrtohet dhe do te jepet vleresimi final per lenden.

Raporti i ekspertizës ti dorëzohet:

- Autoritetit Kontraktues – **KUVENDI KOMUNAL I PRIZRENIT**
- Panelit Shqyrtues – **OSHP**
- OE ankues – **SELIMAJ Legal Consulting SH.P.K.**

Enver Bytyçi

